

REALISASIKAN HARAPAN DENGAN MENYERTAI PROGRAM FELO TFM 2023

KUALA LUMPUR: Bagaimana anda boleh merealisasikan harapan? Yayasan Teach For Malaysia menggesa para belia yang bersemangat untuk memperjuangkan pendidikan berkualiti untuk anak Malaysia untuk merealisasikan harapan ini dengan memperkasakan anak-anak di komuniti-komuniti berkeperluan tinggi melalui program Felo TFM.

Sejajar dengan Rancangan Malaysia Ke-12 (RMK-12), yang menekankan pembangunan komuniti B40 dan Orang Asli, Yayasan Teach For Malaysia bekerjasama dengan Kementerian Pendidikan Malaysia dan menempatkan 27 orang Felo TFM di 8 buah sekolah berkeperluan tinggi di daerah Kuala Kangsar dan Hulu Perak pada tahun 2022. Sejak tahun 2012, Kohort ke-10 Felo TFM ini merupakan yang pertama ditempatkan di sekolah-sekolah rendah dan sekolah murid majoriti Orang Asli, menjadikan penempatan Felo TFM kali ini sebuah peristiwa yang signifikan kepada program.

Pada tahun 2023, Yayasan Teach For Malaysia menyasarkan untuk menyebarluaskan impak dengan menempatkan Felo TFM sebagai Rakan Guru di komuniti berkeperluan tinggi di sekitar negeri Sarawak.

Chan Soon Seng, Ketua Pegawai Eksekutif Yayasan Teach For Malaysia, berkata, "Lazimnya, kedua-dua komuniti ini mempunyai keperluan pendidikan yang paling tinggi, dan sejak dua tahun yang lalu, jurang pencapaian murid telah bertambah besar. Dengan kembalinya murid-murid ke sekolah, fokus kepada kesaksamaan jurang capaian pendidikan adalah penting. Program Felo TFM ingin merapatkan jurang pencapaian pendidikan dalam keupayaan celik angka, celik huruf, dan kepimpinan sendiri dalam kalangan komuniti B40 di dalam dan di luar sekolah rendah dan menengah dengan mengutamakan strategi-strategi pemerksaan komuniti."

Venessa Sambai Usek, Presiden Lembaga Alumni Yayasan Teach For Malaysia, berkata, "Dengan pengalaman lebih 10 tahun dalam membawakan amalan pendidikan terbaik di sekolah-sekolah kebangsaan di seluruh Malaysia, saya percaya bahawa Yayasan Teach For Malaysia bakal membawa manfaat signifikan kepada landskap pendidikan di Sarawak. Felo TFM dipilih berdasarkan proses yang teliti dan dilatih oleh pakar-pakar bidang yang seterusnya membantu mereka untuk menyokong guru-guru di sekolah dengan lebih baik. Anak-anak Muda Sarawak yang ingin menyumbang kepada komuniti mereka patut mengambil peluang ini untuk membangunkan kemahiran pendidikan mereka dan meluaskan pandangan melalui program pembangunan pendidikan yang diiktiraf ini."

Felo TFM diambil secara terus oleh Yayasan Teach For Malaysia dan akan ditempatkan di sekolah-sekolah bersama-sama Guru Hos untuk menyediakan sokongan tambahan sepenuh masa selama dua tahun dan berkolaborasi dengan guru-guru untuk menambah baik persekitaran bilik darjah bagi murid-murid dengan kemampuan pembelajaran yang berlainan.

Melalui program ini, Felo TFM bakal berkolaborasi dengan guru-guru sedia ada untuk menyediakan sokongan pemulihan dalam kelas bagi mengatasi kesan-kesan keciciran

pelajaran akibat penutupan sekolah semasa pandemik Covid-19. Mereka juga akan bekerjasama dengan sekolah dan komuniti setempat untuk belajar dan kemudiannya merancang program-program selepas sekolah dan inisiatif penglibatan masyarakat bagi memenuhi keperluan pendidikan sekolah dan komuniti.

Dengan sokongan Rakan Guru, guru-guru sedia ada dapat mewujudkan pengalaman pembelajaran berfokus untuk membantu murid-murid menumpukan perhatian kepada pemulihan pendidikan sambil meningkatkan motivasi dan aspirasi mereka untuk terus belajar.

Yayasan Teach For Malaysia telah memperkasakan anak-anak di komuniti berkeperluan tinggi untuk mencapai potensi diri sejak tahun 2012. Kami komited untuk terus berkhidmat bagi mengambil, melatih, dan menyokong lebih ramai rakyat Malaysia berbakat bagi menyumbang tenaga di sekolah-sekolah berkeperluan tinggi agar semua anak Malaysia berpeluang untuk mencapai potensi diri melalui pendidikan berkualiti.

Lampiran Appendix





Nota editor

Tentang Yayasan Teach For Malaysia

Yayasan Teach For Malaysia (YTFM) merupakan sebuah organisasi bukan berasaskan keuntungan dengan misi untuk memberi peluang kepada semua anak Malaysia mencapai potensi diri melalui pendidikan berkualiti. Kami bekerjasama dengan Kementerian Pendidikan Malaysia untuk pergi ke sekolah-sekolah awam berkeperluan tinggi. Kami merupakan sebahagian daripada 60 rakan rangkaian pendidikan global, Teach For All.

Sejak 2012, Yayasan Teach For Malaysia telah membangunkan sebuah gerakan transformasi dalam sistem pendidikan dengan menempatkan pemimpin-pemimpin yang berpotensi tinggi sebagai guru sepenuh masa di sekolah-sekolah berkeperluan tinggi di Malaysia untuk membanteras ketidaksamaan pendidikan melalui program andalan kami, Felo TFM. Pada tahun 2020, kami telah meluaskan usaha kami untuk turut melatih dan membimbing guru-guru STEM yang sedang berkhidmat di sekolah melalui Program Duta Guru (PDG) yang berjalan selama dua tahun.

Yayasan Teach For Malaysia merupakan penerima Anugerah Merdeka 2022 bagi kategori Pendidikan & Komuniti. Anugerah Merdeka merupakan anugerah premier yang mengiktiraf kecemerlangan individu dan organisasi yang diasaskan oleh PETRONAS, ExxonMobil, dan Shell pada tahun 2007.

Sejak pelancaran kami pada tahun 2012, gerakan kami kini terdiri daripada 474 orang Felo TFM, 583 peserta PDG dan Alumni dan telah membawa impak kepada seramai 330,285 orang murid di 893 buah sekolah di seluruh Malaysia.

Untuk maklumat lanjut, sila hubungi:

Felicia Tan

Marketing Manager/Pengurus Pemasaran

Teach For Malaysia

Tel: +6017 3711 571

Email: felicia.tan@teachformalaysia.org

Website: www.teachformalaysia.org

Twitter: <https://twitter.com/teachformsia>

Facebook: <https://www.facebook.com/teachformalaysia>

Instagram: <https://www.instagram.com/teachformsia/>